

Duvin e Pigniu – 2 da 13



2 da 13 Duvin e Pigniu

Ilis uoppens dallas duas vischnaucas Duvin e Pigniu.

FOTO MAD

Dapi gl'emprem da schaner 2014 dat ei la vischnaunca politica dad Ilanz/Glion. Ella secumpona da sis vitgs dalla vart dretga dil Rein, da sis dalla vart seniastra e dil marcau da Glion. Glion ei il center, clar. Mo denter las singulas fracziuns dat ei buca gronds contacts. Ins sa stoda pauc in da l'auter.

La proxima sera «da cuminonza a Ruschein» ei perquei dedicata allas duas fracziuns ch'ei il pli lunsch ina ord l'autra: Pigniu el nord e Duvin el sid. Envidai da raquintar da lur vitg ein *Claudia Camenische* e *Martin Capeder* da Duvin ed *Albert Spescha* ed *Edith Spescha* da Pigniu. Els vegnan a far quei sin basa da fotografias, fatgs e historias. In fatg ei p.ex. che Pigniu, la fracziun cun ils pli paucs habitants ha in'ustria, ferton che Duvin sto star senza. Duvin ei persuerter sin la

gliesta da ISOS (Inventar der schützenswerten Ortsbilder der Schweiz), quei che Pigniu ei buc. Las baselgias cun lur tuors marcantas ein el vitg, ton a Duvin sco a Pigniu. Duvin ei reformau e Pigniu ei catholic. Mo oz ei quei strusch in fatg che separa. Ilis quater hosps envidai vegnan era a raquintar el decuors dalla sera da lur occupaziuns actualas ed els tradeschan franc tgei ch'els apprezzieschan en lur vitg. Beinvegnidas ein sco adina era persunas d'ordeifer. L'entrada ei gratuita e suentar l'occurrENZA vegn offeriu in pign apero.

Maria Cadruvi

«Duvin e Pigniu – 2 da 13». Gliendisgis, ils 3 d'october allas 20.15, Casa da scola Crestas, Ruschein. Dapli sin www.dacuminonza.ch